

欽定古今圖書集成

曆象彙編歲功典



欽定古今圖書集成曆象彙編歲功典

第二十七卷目錄

上元部藝文二 詩詞

元夕於通衢建燈夜升南樓 隋煬帝

軒遊宮十五夜 唐元宗

十五夜觀燈 盧照鄰

上元夜 六首 崔液

正月十五夜 蘇味道

上元夜效小庾體同用春字 長孫正隱

上元夜效小庾體同用春字

崔知賢

上元夜效小庾體同用春字

韓仲宣

上元夜效小庾體同用春字

陳嘉言

十五日夜御前口號踏歌詞

二首

張說

夜遊

沈佺期

上元

郭利貞

正月十五日夜應制

孫逖

奉和聖製十五夜然燈繼以酺宴應制

王維

十五夜觀燈

王諲

上元日紫極宮門觀州民然燈張樂

羊士諤

正月十五夜月

白居易

正月十五日

熊孺登

上元唱和

溫庭皓

奉和御製上元觀燈

宋夏竦

癸丑燈夕

韓琦

和春卿學士上元罷燈

前人

次韻何若谷都官燈夕

趙抃

上元進詩

并序

蔡襄

和御製上元觀燈

曾鞏

和史館相公上元觀燈

前人

依韻恭和聖製上元觀燈

王珪

恭和御製上元觀燈

王安禮

依韻和張推官元夕

文同

上元侍飲樓上三首呈同列

蘇軾

追和戊寅歲上元

前人

上元夜

前人

次韻劉景文路分上元

前人

上元作

孔平仲

次韻東坡上元扈從三絕

秦觀

上元都下

二首

張耒

次韻館中上元遊葆真宮觀燈

二首

韓駒

燈夕時在泗水上

二首

朱松

元宵煮浮圓子前輩似未曾賦此坐間成四韻

周必大

上元紀吳中節物俳諧體三十二韻

范成大

燈夕

劉克莊

燈夕樂舞

何夢桂

元夜

媛朱淑真

元夕

元吳師道

上元宿通州楊原誠寓宅

張翥

次韻李清叔元夕

貢師泰

元宵

鄭玉

元宵偶作

錢惟善

元宵雪感懷

葉顥

元夕

丁鶴年

次韻和石末公元夜之作

明劉基

正月十六日夜至京師觀燈

高啓

元夕觀燈應制

趙迪

元夕賦得五言小律詩

沈應

元夕賜觀燈詩 三首

楊榮

元夕午門賜觀燈 二首

金幼孜

古今圖書集成  
元夕賜午門觀燈 四首 前人

元夕午門觀燈應制 前人

元夜隨駕燕午門 梁潛

賜午門觀燈應制 二首 陳亢宗

賜觀燈詩 周述

元夕賜觀燈應制 五首 陳敬宗

元夕賜觀燈詩 三首 前人

上元十三夜 龍瑄

十四夜 前人

十五夜 前人

元夜 梁儲

元夕飲客 二首 儲燿

汴中元夕 二首 李夢陽

甲辰元夕 李濂

元夕篇 薛蕙

燈夕湯子重席上 蔡羽

元夕對雪 王蘇祐

元夕詠冰燈 唐順之

元夕邀客賞燈兼聽笙笛二樂 李開先

上元夜帝御龍舟觀鼇山 王世貞

元夕同李伯承高伯宗賦得火樹銀花合 張九一

張九一

元夕宿泉州洛陽橋 陳第

陳第

金陵元夕篇 鄭之文

鄭之文

正月十三夜同王若觀妓共用來字

吳兆

金陵元夕曲 有序 程漢

程漢

都城元夕 以上詩

劉侃

滿庭芳 宋徽宗

宋徽宗

蝶戀花 密州上元

蘇軾

浣溪沙 上元遊靜林寺

向毛滂

踏莎行 元夕

前人

臨江仙 都城元夕

前人

驀山溪 上元

前人

傳言玉女 上元

晁沖之

上林春慢 上元

前人

臨江仙 元宵

廖行之

解語花 上元

周邦彥

醉蓬萊

万俟雅言

武陵春

趙長卿

寶鼎現 上元

前人

鷓鴣天

向子諲

江城子 上元

葉夢得

點絳脣 上元鼓子詞

王庭珪

滿庭芳 上元黃子餘席上

前人

燭影搖紅

張掄

寶鼎現

康與之

瑞鶴仙 上元應制

前人

漢宮春 慈寧殿元夕

前人

燭影搖紅

吳億

西江月 元夕醉中走筆

曾覲

傳言玉女

前人

傾杯樂 上元上梁帥

楊无咎

朝中措 元夕上劉共甫

侯寘



踏莎行

元宵

前人

憶秦娥

元夕

張孝祥

鷓鴣天

上元啓醮

前人

漢宮春

上元前一日立春

京鏜

臨江仙

己酉和實之燈夕

劉克莊

浣溪沙

丁亥餞元宵

劉鎮

慶春澤

前人

喜遷鶯

閏元宵

吳禮之

鷓鴣天

上元

前人

傳言玉女

趙善扛

江城子

燈夕

毛开

東風第一枝

燈夕

史達祖

浣溪沙

韓滉

柳梢青

元宵

前人

瑞鶴仙

甲辰元夕

李昉英

沁園春

監司元宵招飲不赴

前人

阮郎歸

卻武試燈夕

洪璚

解語花

上元次周美成韻

方千里

一翦梅 元宵

盧炳

倦尋芳 上元

吳文英

應天長 吳門 元夕

前人

燭影搖紅 元夕 微雨

前人

南鄉子 元夕

蔣捷

女冠子 元夕

前人

解語花 上元 次周美成韻

陳允平

八聲甘州 燈夕 寄二隱

周密

寶鼎現 丁酉 元夕

劉辰翁

漢宮春 元夕

元彭元遜

摸魚兒 元夕 贈楚芳 吳蘭

張翥

念奴嬌 郡城 元夕

劉雲裳

念奴嬌 上元

明周用

鷓鴣天 元宵 後獨酌

楊慎

慶春澤 上元

前人

瑞鷓鴣 湖上 上元 以上詞

卓人月

上元部選句

歲功典第二十七卷

上元部藝文二 詩詞

元夕于通衢建燈夜升南樓 隋煬帝

法輪天上轉梵聲天上來燈樹千光照花燄七枝開  
月影疑流水春風含夜梅旛動黃金地鐘發琉璃臺

軒遊宮十五夜 唐元宗

行邁離秦國巡方赴洛師路逢三五夜春色暗中期  
關外長河轉宮中淑氣遲歌鐘對明月不減舊遊時

十五夜觀燈 盧照鄰

古今圖書集成  
錦里開芳宴蘭缸艷早年縟綵遙分地繁光遠綴天  
接漢疑星落依樓似月懸別有千金笑來映九枝前  
上元夜六首  
崔液

玉漏銅壺且莫催鐵關金鎖徹明開誰家見月能閉  
坐何處聞燈不看來

神燈佛火百輪張刻像圖形七寶裝影裏如開金口  
說空中似放玉毫光

今年春色勝常年此夜風光最可憐鳩鵲樓前新月  
滿鳳凰臺上寶燈然

金勒銀鞍控紫驪玉輪珠幟架青牛驂驪始散東城  
曲倏忽還來南陌頭

公子王孫意氣驕不論相識也相邀最憐長袖風前  
弱更賞新絃暗裏調

星移漢轉月將微露灑煙飄燈漸稀猶惜路傍歌舞  
處踟躕相顧不能歸

正月十五夜

蘇味道

唐新語云神龍之際京城正月望日盛飾燈火之  
會金吾弛禁貴遊戚屬及下里工賈無不夜遊車

古今圖書集成  
馬駢闐人不得顧王主之家馬上作樂以相誇競  
文士皆賦詩以紀其事作者數百人唯味道與郭  
利貞崔液三人爲絕唱

火樹銀花合星橋鐵鎖開暗塵隨馬去明月逐人來  
遊妓皆穠李行歌盡落梅金吾不禁夜玉漏莫相催  
上元夜效小庾體同用春字 長孫正隱

薄晚嘯遊人車馬亂驅塵月光三五夜燈燄一重春  
煙雲迷北闕簫管識南鄰洛城終不閉更出小平津

上元夜效小庾體同用春字

上元之遊凡六人皆以春字爲韻長

孫正隱爲之序

崔知賢

今夜啓城闈結伴戲芳春鼓聲撩亂動風光觸處新  
月下多遊騎燈前饒看人歡樂無窮已歌舞達明晨  
上元夜效小庾體同用春字 韓仲宣

他鄉月夜人相伴看燈輪光隨九華出影共百枝新  
歌鐘盛北里車馬沸南鄰今宵何處好唯有洛陽春  
上元夜效小庾體同用春字 陳嘉言

今夜可憐春河橋多麗人寶馬金爲絡香車玉作輪  
連手窺潘掾分頭看洛神重城自不掩出向小平津

十五日夜御前口號踏歌詞二首 張說

花萼樓前雨露新  
長安城裏太平人  
龍銜火樹千重  
艷鷄踏蓮花萬歲春

帝宮三五戲春臺  
行雨流風莫妬來  
西域燈輪千影  
合東華金闕萬重開

夜遊

沈佺期

今夕重門啓遊春  
得夜芳月華連晝色  
燈影雜星光  
南陌青絲騎東鄰  
紅粉妝管絃遙辨曲  
羅綺暗聞香  
人擁行歌路車攢鬪舞  
場經過猶未已  
鐘鼓出長楊

上元

郭利貞

九陌連燈影千門徧  
月華傾城出寶騎  
匝路轉香車  
爛漫惟愁曉周遊  
不問家更逢清管發  
處處落梅花

正月十五日夜應制

孫逖

洛城三五夜天子萬年春  
綵仗移雙闕瓊筵會九賓  
舞成蒼頡字燈作法王輪  
不覺東方日遙垂御藻新  
奉和聖製十五夜然燈繼以酺宴應制

王維

上路笙歌滿春城  
刻漏長遊人多晝  
日明月讓燈光

魚鑰通翔鳳龍輿出建章九衢陳廣樂百福透名香  
仙妓來金殿都人遶玉堂定應偷妙舞從此學新妝  
奉引迎三事司儀列萬方願將天地壽同以獻君王

十五夜觀燈

王諲

暫得金吾夜通看火樹春停車傍明月走馬入紅塵  
妓雜歌偏勝場移舞更新應須盡記取說向未來人

上元日紫極宮門觀州民然燈張樂

羊士諤

山郭通衢隘瑤壇紫府深燈花助春意舞綬識歡心

閒似淮陽臥恭聞樂職吟唯將聖明化聊以達飛沈

正月十五夜月

白居易

歲熟人心樂朝遊復夜遊春風來海上明月在江頭  
燈火家家市笙歌處處樓無妨思帝里不合厭杭州

正月十五日

熊孺登

漢家遺事今宵見楚郭明燈幾處張深夜行歌聲絕  
後紫姑神下月蒼蒼

上元唱和

溫庭皓

九枝應並耀五夜思悠然景集青山外螢分碧草前

輝華侵月影歷亂寫星躔望極高樓上搖光滿綺筵  
奉和御製上元觀燈

宋夏竦

魚龍漫衍六街呈金鎖通宵啓玉京冉冉遊塵生輦  
道遲遲春箭入歌聲寶坊月皦龍燈澹紫館風微鶴  
燄平宴罷南端天欲曉迴瞻河漢尚盈盈

癸丑燈夕

韓琦

爭放紅蕖燎紫沈勝遊誰肯惜千金人和更有笙歌  
助酒美應無巷陌深化國光陰方甚未洞天風物不  
難尋如何可致吾民樂長似熙熙此夜心

和春卿學士上元罷燈

前人

絲竹沈聲月泛波警宵方喜罷誰何樓深醉密客畱  
易路遠香殘人去多寒燭倚蓮猶結淚淡雲歸隴不  
停歌那知夢穩瀛洲上正是鈞天九奏和

是日館宿  
聞宮中奏

樂

次韻何若谷都官燈夕

趙抃

千門燈燭事遨遊車馬通宵不暫休幸免煙氛遮皓  
月任隨笳鼓雜鳴騶金壺漏下丁丁未玉壘霞生灑  
灑流帝澤遠臨人鼓腹贛川宜有太平謳



上元進詩 并序

蔡襄

伏觀元夕法駕特御端門宣諭臣僚曰上元觀燈  
不為遊賞蓋與民共樂也臣職在文字恭惟德音  
宣布睿旨感詩人揄揚盛美之私輒成短章上干  
宸覽

疊聳青峰寶炬森端門初晚翠華臨宸遊不為三元  
夜樂事還同萬眾心天上清光留此夕人間和氣閣  
春陰要知盡作華封祝四十年來惠愛深

和御製上元觀燈

曾鞏

翠幃霓旌夾露臺夜涼宮扇月中開龍銜燭抱金門  
出鼇負山趨玉座來碣極戲添夷客喜柏梁篇較從  
臣材共知天意同民樂願奏君王萬壽杯

和史館相公上元觀燈

前人

九衢仙仗豫遊歸寶燭星繁換夕暉傳醖未斜清禁  
月散花還拂侍臣衣天香暗度金蚪喚宮扇雙開彩  
鳳飛法曲世人聽未足却迎朱輦下端闈

依韻恭和聖製上元觀燈

王珪

雪消華月滿仙臺萬燭當樓寶扇開雙鳳雲中扶輦

古今圖書集成  
下六鼇海上駕山來鎬京春酒霑周宴汾水秋風陋  
漢材一曲昇平人盡樂君王又進紫霞杯

恭和御製上元觀燈

王安禮

鑾輿清曉出瑤臺羽衛瞻迎扇影開鳳闕張燈天上  
坐鷄林獻曲海邊來脩文可笑秦無策能賦休誇楚  
有材星漢未斜鈞樂闕君王宣示萬年杯

依韻和張推官元夕

文同

山郡上元榮樂事大開金地作遊場煙雲向曉誰教  
霽燈燭乘春自有香紫陌熒煌隨步遠綵棚佳麗鬪

眉長遊人莫惜酬高直買取銀蟾一寸光

上元侍飲樓上三首呈同列

蘇軾

澹月疎星遶建章仙風吹下御爐香侍臣鵠立通明  
殿一朵紅雲捧玉皇

薄雪初消野未耕賣薪買酒看昇平吾君勤儉倡優  
拙自是豐年有笑聲

老病行穿萬馬羣九衢人散月紛紛歸來一點殘燈  
在猶有傳柑遺細君

追和戊寅歲上元

前人

古今圖書集成  
春鴻社燕巧相違白鶴峰頭白板扉石建方欣洗滌  
厠姜龐不解歎蠨蟻一龕京口嗟春夢萬炬錢塘憶  
夜歸合浦賣珠無復有當年笑我泣牛衣

上元夜

前人

前年侍玉輦端門萬枝燈璧月挂罽毼珠星綴觚稜  
去年中山府老病亦宵興牙旗穿夜市鐵馬響春冰  
今年江海上雲房寄山僧亦復舉膏火松間見層層  
散策桄榔林林疎月鬢髻使君置酒罷簫鼓轉松陵  
狂生來索酒一舉輒數升浩歌出門去我亦歸菅騰

次韻劉景文路分上元

前人

華鐙闕艱歲冷月挂空府三吳重時節九陌自歌舞  
云從月幾望遂至一百五嘉辰可屈指樂事相繼武  
今宵掃雪陣極日靜天宇嬉遊各忘歸闐咽頃未覩  
飛毬互明滅激水相吞吐老去反見童歸來尚饒鼓  
新年暗消雪舊歲添絲縷何時九江城相對兩漁父

上元作

孔平仲

春來霧雨久不收上元三日月如秋傾城娛樂競沽  
酒舊歲豐登仍足油樓前燈山燒荻火光影動搖桑

古今圖書集成  
落州太守憑高列歌吹遊人哄笑觀俳優銅盤貯煤  
插烏帽從兵小吏斥下樓侍觴行食皆官妓目眙不  
言語或偷短長赤白皆莫校但取一笑餘何求譬如  
飲酒且爲樂不問甘苦醉卽休歸來統如打五鼓春  
寒慘慘吹駝裘羣兒嬉戲尚未寢更看紫姑花滿頭  
次韻東坡上元扈從三絕  
秦觀

赭黃繖底望龍章不斷唯聞蠟炬香一片韶音歸複  
道重瞳左右列英皇  
端門魏闕鬱崢嶸燈火成山輦路平不待上林鶯百

轉教坊先已進新聲

仗下番夷各一羣機泉如雨自繽紛細看香案旁邊  
吏却是茅家大小君

上元都下二首

張耒

澹薄晴雲放月華晚妝新暈臉邊霞管絃樓上爭酤  
酒巧笑車頭旋買花

驕馬金鞭白面郎雙鬟小女坐車箱輪聲轆轤歸何  
處留得紅籠絳蠟香

次韻館中上元遊葆真宮觀燈二首

韓駒

鴨綠未全生曲沼鵝黃先已上柔柯故應春物撩詩  
思白髮明朝一倍多

澹澹新妝帶淺啼催車只待日平西驕驕也自知人  
意散入千花了不嘶

燈夕時在泗水上二首

朱松

燈花作意照歸人短棹扁舟寂寞濱帝力如春蘇萬  
物遙知太乙不威神

雲牕月檻仰乘輿俯看香車出繡襦九陌人人歌帝

力不須微服過康衢

元宵煮浮圓子前輩似未曾賦此坐間成四韻

周必大

今夕是何夕團圓事事同湯官尋舊味竈婢詫新功  
星燦烏雲裏珠浮濁水中歲時編雜詠附此說家風

上元紀吳中節物俳諧體三十二韻

范成大

斗野豐年屢吳臺樂事并酒壚先壘鼓歲後即旗亭先擊鼓不已

以迎節意燈市蚤投瓊臘月即有燈市珍奇者數人釀買之相與呼盧彩勝者得燈價

喜膏油賤祥占雨雪晴簣簪仙子洞坊巷燈以連枝

處數十重菡萏化人城蓮花燈檣炬疑龍見舟人接竹桅

燈望之如星橋星訝鵲成燈橋小家彪獨踞犬燈高閉鹿雙撐

鹿屏展輝雲母琉璃屏風簾垂晃水精琉璃簾萬窻花眼密

萬眼燈以碎羅紅白相間砌成工夫妙天下多至萬眼千隙玉虹明琉璃毬燈

成一花蒼葡萄丹房挂燈葡萄綠蔓縈葡萄燈方縑繡史

冊生絹糊大方燈圓魄綴門衡燈擲燭騰空穩小毬燈時

擲空推毬滾地輕大滾毬燈映光魚隱見琉璃壺餅貯水

轉影騎縱橫馬騎燈輕薄行歌過顛狂社舞呈民間鼓樂謂之

滑稽取笑村田蓑笠野村田樂街市管絃清街市樂里

巷分題句每里門作長燈官曹別扁名官府名額多

照旱船遙似泛夾道陸行為競渡水儻近如生水戲

燈映鉗赭裝牢戶獄燈嘲嗤繪樂棚山棚多畫一時堵觀

瑤席隘喝道綺叢爭禁鑰通三鼓歸鞭任五更桑蠶

春繭勸春蠶自臘月即入食花蝶夜蛾迎大白蛾花

戴之亦以迎春物也梟子描丹筆紅畫鴨子鵝毛剪雪英剪鵝

雪花與夜蛾並戴寶糖珍粗妝餽拍吳中謂之寶烏膩美飴

餉俗鳥膩糖即白餉撚粉團樂意子熬稭膈膊聲炒糯

卜俗名字婁北筵筭巫志怪香火婢輸誠俗謂正月

人名糯米花帝葦針箕之屬皆卜帚帚拖裙驗敝帚繫裙以箕詩

焉多婢子之輩為之落筆驚即古紫姑今謂之微如針屬尾以針姑卜伺

兆名針姑賤及葦分莖葦莖分合為末俗難訶止佳辰且

放行此時紛僕馬有客靜柴荆幸甚歸長鋏居然照

短檠生涯惟病骨節物尚鄉情倚撫成俳體咨詢逮

里眈誰修吳地志聊以助譏評

燈夕

劉克莊

士女如雲服珥鮮暫陪獵較亦欣然清于坡老游杭

市儉似乖崖在劍川使指何功煩卜夜遨頭此念可

通天粵人擁道千層看不見狨鞍三十年

燈夕樂舞

何夢桂

天碧星河欲下來東風吹月上樓臺玉梅雪柳千家

開火樹銀花十里開紫鳳笙繁聲漫衍黃龍舞縵影

徘徊香車匝地紅塵軟莫遣銅壺漏箭催

元夜

媛朱淑真

月滿今宵霽色澄深沈簾幕管絃清誇豪鬪彩連仙

館墜翠遺珠滿帝城一派笑聲和鼓吹六街燈火樂

古今圖書集成  
昇平歸來禁漏餘三四窻上梅花瘦影橫

元夕

元吳師道

柳臺梅巷鎖春晴酒思燈光負賞心聽徹宣和太平  
曲獨看明月到更深

上元宿通州楊原誠寓宅

張翥

禁城東下一川平杳杳煙蕪淡淡晴風滾暗塵羊角  
轉水披殘凍鴨頭生離居有酒春堪醉小市無燈月  
當明還憶故園今夕賞玉人花底共吹笙

次韻李清叔元夕

貢師泰

絳燭燒煙散滿城九衢車馬似潮聲山河影轉琉璃  
薄陸海光浮菡萏平蝶睡誤翻歌扇暖鵲驚疑報畫  
檐晴夜闌人靜天如水依舊殘星數點明

元宵

鄭玉

對簇鼇山十萬人皇都今夕幾分春六街三市渾如  
晝寄語金吾莫夜巡

元宵偶作

錢惟善

彈壓城池夜屬橐放燈那復事奢豪水晶宮裏香風  
細曾見神山駕六鼇



元宵雪感懷

葉顒

金帳羊羔酒裏仙醉觀皓鶴下瑤天寒英忽舞顛狂  
絮香燄俄開爛熳蓮閨苑有花春未老芳城不夜月  
空圓茅齋僵臥袁夫子也翫鼇山嬾去眠

元夕

丁鶴年

燈火樓臺錦繡筵誰家簫鼓夜喧闐光移星斗天逾  
近影到山河月正圓金鎖開關明似晝銅壺傳漏迴  
如年五雲不奏霓裳曲空使揚州望眼穿

次韻和石末公元夜之作

明劉基

八表流雲澄夜色九霄華月動春城條風細細吹旂  
影香靄微微引漏聲河漢虹橋應斷絕滄溟鼇足漫  
崢嶸愁來更聽漁陽操獨倚闌干坐到明

正月十六日夜至京師觀燈

高啓

天街爭唱落梅歌絳闕珠燈萬樹羅莫笑遊人來看  
晚春風還似昨宵多

元夕觀燈應制

趙迪

龍樓錫宴月初斜寶炬星分照翠華五夜歌鐘連甲  
第千門燈火映皇家錦筵人醉飄金縷羅綺春晴散

古今圖書集成  
彩霞自是宸遊多樂事叨陪幾度賜宮花

元夕賦得五言小律詩

沈應

燈月滿春城金吾縱夜行誰家無畫鼓何處不銀箏  
願以昇平樂懽歌答聖明

元夕賜觀燈詩三首

楊榮

海宇昇平日元宵令節時綵雲飄鳳闕瑞靄繞龍旗  
歌管春聲動星河夜色遲萬方同燕喜千載際昌期  
禁苑東風暖青霄月正中魚龍千隊戲羅綺萬花叢  
雲嶠祥光麗星橋寶炬紅太平多樂事此夕萬方同

象緯臨天闕瑤空集萬靈雲霞紛掩映星斗疊晶熒  
寶地春應滿金門夜不扃千官陪宴樂拜舞在明庭

元夕午門賜觀燈二首

金幼孜

五夜開闐闔千官列珮珂御煙浮寶篆華月送清歌  
歲久君恩重時平樂事多金吾知不禁試問夜如何  
鼇山新結綵列炬照晴天簫鼓瑤臺上星河絳闕前  
綵粧千隊好繡簇萬花妍歡賞陪鑾馭還歌既醉篇  
元夕賜午門觀燈四首

前人

鼇山高聳架層空萬燭燒春瑞氣融星動銀河浮茜

蒼天垂瓊島綻芙蓉行行綵隊穿華月曲曲鸞笙度  
好風自是太平多樂事君王要與萬方同  
鳳輦初臨鼓吹喧千官環侍紫宸邊九門燈火雲霄  
上午夜山河錦繡前春散爐煙浮樹暖月移寶仗映  
花妍從臣忝預傳柑宴旣醉猶歌湛露篇  
天上紅雲濕翠旗樓前燈影動罽毼御筵花煖歌聲  
近紫禁風清玉漏遲中使傳宣還賜果詞臣獻賦更  
陳詩華夷盡道承恩澤千載昌期際此時  
天仗森森列寶臺教坊初進鼓如雷金蓮夜放輕寒

散絳蠟春融瑞氣回仙樂謾調雙玉管紫宸頻上萬  
年杯傳柑歲歲承恩渥感遇深慚負不才

元夕午門觀燈應制

前人

閭闔重重夜不扃瓊樓十二敞銀屏東風一曲昇平  
樂此夜都人盡許聽

元夜隨駕燕午門

梁潛

銀漢橫空寶月團六鼇飛出五雲端蓬萊紫氣天中  
起玉井紅蓮地上看滿殿嬌歌畱夜景千門羯鼓散  
春寒教坊戲樂年年異願奉龍顏萬歲歡

古今圖書集成  
賜午門觀燈應制二首

陳亢宗

鼇峰千仞鬱嵯峨萬蠟融春洽太和明月只隨仙仗  
轉紅雲偏近御筵多旌旄影颺黃金闕絲竹聲翻白  
雪歌萬歲三呼頻祝頌醉歸數問夜如何  
白玉仙京上帝家六龍遙駕五雲車巨鼇此夕移三  
島火樹迎春吐萬花水咽宮壺留夜色懽騰黎庶樂  
年華承恩盡醉歸來晚一派鈞天隔彩霞

賜觀燈詩

周述

今夕逢元夕歡聲遍九垓星臨銀漢動月傍碧空來

紫禁千花繞金門五夜開聖情同宴賞玉漏不須催  
元夕賜觀燈應制五首

陳敬宗

皓月金門夜和風玉殿春雲移三島近燈簇萬花新  
天仗臨丹宸星橋接紫宸中官宣德意宴賞及羣臣  
紫禁疎鐘靜高城刻漏傳五雲迎寶蓋萬戶綴金蓮  
瓊醴行仙席龍盤進御筵教坊呈百戲齊過玉階前  
劍佩青霄近峰巒翠閣重花明金幄月香度玉樓風  
拜舞諸番集歡娛萬國同遙聞歌吹發五色集雲中  
紫陌連清禁彤樓接絳河九門星彩動萬井月華多

古今圖書集成  
寶炬通宵晃鸞笙協氣和臣民涵聖澤齊唱太平歌  
山擁金鼇壯雲盤綵鳳來星河隨斗轉珠闕倚天開  
歡洽春聲徧恩從淑氣回願歌魚藻詠長奉萬年杯

元夕賜觀燈詩三首

前人

河漢沈沈霽景澄蓬萊燃滿九華燈青猊白象三千  
界綺閣雕欄十二層花繡芙蓉濃艷吐簾垂翡翠異  
香凝世人惟向雲中見遙望天門不可登

樂奏韶咸寶扇開遙瞻龍馭自天來九門香逐靈飈  
度萬國春隨御氣回彩鳳高臨青玉案彤雲輕護紫

霞杯臣民共願宸遊樂海內歡聲溢九垓  
中使傳宣宴百官珮聲遙集五雲端酒傾綠蟻開金  
甕饌膾蒼麟奉玉盤寶帳春回頻送暖瑤臺雪霽不  
生寒侍臣霑醉蒙恩德更勅都人近御看

上元十三夜

龍瑄

近喜元宵雪更晴千門翠竹結高棚珠簾半捲將圓  
月玉指初調未合笙新放華燈連九陌舊傳金鑰啓  
重城少年結伴嬉遊去遮莫鷄聲下五更

十四夜

前人

燈光漸比夜來饒  
八海魚龍混暮潮  
月照梅花青瑣闥  
煙籠楊柳赤闌橋  
鈿車過去拋珠果  
寶騎重來聽玉簫  
共約更深歸及早  
大家明日看通宵

十五夜

前人

一派春深送管絃  
九衢燈燭上薰天  
風回鼇背星球亂  
雲散龍鱗璧月圓  
逐陣馬翻塵似海  
踏歌人盼夜如年  
歸遲不屬金吾禁  
爭覓遺簪與墜鈿

元夜

梁儲

尊前休問夜如何  
且聽佳人達曙歌  
圓月向人偏皎皎

潔緒風吹面正清  
和星從左个將春至  
鴈向南樓帶字過  
翹首五雲最深處  
千觴應助聖顏酡

元夕飲客二首

儲巖

愛客曾留臘底觴  
晚筵絲竹瀉寒光  
淡籠明月饒春麗  
小浥輕塵覺雨香  
何處風來花作陣  
誰家燈好妓成行  
開年共說逢佳境  
碧盃嘗新有蔗霜

佳辰畱客競浮觴  
一飲先拚盡曙光  
雲葉弄晴翻桂魄  
燈花烘夜吐蘭香  
盆瓊錯落筵前令  
箏鴈參差曲裏行  
莫訝東君扶病坐  
故人投分比明霜

古今圖書集成  
汴中元夕二首

李夢陽

中山孺子倚新粧  
鄭女燕姬獨擅場  
齊唱憲王新樂府  
金梁橋外月如霜  
細雨燒燈夜色新  
酒樓花市不勝春  
和風欲動千門月  
醉殺東西南北人

甲辰元夕

李濂

寶玦金貂簇繡鞍  
傾城士女競追歡  
宣和舊俗燈偏盛  
汴水新春夜不寒  
人海湧來喧笑語  
車雷轟處恣遊盤  
太平景象君須記  
天漢橋邊立馬看

元夕篇

薛蕙

皇都佳麗地春日艷陽年  
共愛元宵好爭歌明月篇  
元宵明月滿蓬萊春色先  
從上苑來千門宛轉銀屏  
隔萬戶參差金鎖開千門  
萬戶連雙闕綵女新妝踏  
明月映牖窺窻態轉多含  
嬌凝睇情無歇正逢春日  
愛芳菲復值春宵縫舞衣  
燈光斜照珊瑚枕香氣空  
薰雲母屏此時天子盛遨  
遊離宮別館足風流纔開  
鳳島張燈架更起鼇山結  
綵樓綵樓峇嶸山側複  
道交衢對南北萬燭翻疑  
白日光千燈却亂春星色

古今圖書集成  
春星暗靄迷煙霧仙籟分明見天路空裏翩翩翠蓋  
飛雲中冉冉鸞輿度翠蓋鸞輿千萬騎伐鼓縱金動  
天地御仗層層錦繡圍廣場隊隊魚龍戲就中別有  
王侯客三三五五長安陌夜夜經過許史家朝朝遊  
戲金張宅金張許史鬪驕奢金燈玉帶翦春紗鴛鴦  
比翼玫瑰樹翡翠雙栖菡萏花龍膏鳳炬列千行蕙  
火蘭煙百和香月華照耀琉璃障霧影氤氳玳瑁梁  
可憐豪侈誰能似可憐行樂心無已曲罷頻移歌舞  
筵醉後重遊燈火市月市星衢遊未徧東城南陌時

相見妖童繡勒五花馬娼女銀車九華扇妖童娼女  
繁華子雙去雙來帝城裏粉色偏從月下明衣香故  
向風前起調笑行歌懽未闌浮影流光夜遽殘朝來  
試過狹邪路墮靨飄花那忍看

燈夕湯子重席上

蔡羽

美景忘遊宴珠燈多夜光春城繡戶月羅襪畫橋霜  
鳴馬客先發誰家懽未央吳宮星未落醉裏笛聲長

元夕對雪

蘇祐

元夕陰陰雪忽飄春寒酒興夜偏饒穿簾繞砌渾無



古今圖書集成  
賴臨水迴燈迴自消暗度月明花滿樹巧隨風勢玉  
裁綃長安此夜猶車馬劇賞清歌未寂寥

元夕詠冰燈

唐順之

正憐火樹鬪春妍忽見清輝映夜闌出海鮫珠猶帶  
水滿堂羅袖欲生寒燭花不礙空中影暈氣疑從月  
裏看爲語東風暫相借來宵還得盡餘歡

元夕邀客賞燈兼聽笙笛二樂 李開先

上元又是新年節狂客高歌醉不休橘酒生春連百  
爵蓮燈照夜足千篝風前鐵笛驚三弄月底銀箏試

一搗聽徹落梅兼出塞居人自是不關愁

上元夜帝御龍舟觀鼇山 王世貞

紫禁鼇山結翠旂昇平故事雅宜修春回九陌風仍  
暖月出千門霧乍收煙火樓臺疑化國高明世界正  
宸遊何人不傍宮牆聽天樂泠泠在御舟

元夕同李伯承高伯宗賦得火樹銀花合

張九一

火樹排虛上銀花入暗開一宵春色到萬戶夜光來  
對月驚飄桂臨風擬落梅莫辭歸去晚攜得艷陽回

元夕宿泉州洛陽橋

陳第

春風又渡洛陽橋  
柳色青青伴寂寥  
回首故園今夜  
月滿江燈火上寒潮

金陵元夕篇

鄭之文

朱樓隱軫薄層霄  
淥水縈堤蕩畫橋  
十里香風吹紫陌  
一年明月始今宵  
今宵無處無簫鼓  
佳麗名都較得數  
美酒畱連拚十千  
少年歡笑唯三五  
三五年時二八遊  
箇儂無賴逐風流  
香輪寶勒紛填巷  
翠燭紅燈擁上樓  
樓前九陌連三市  
中有侯家通戚里  
千蝶

春星舞袖翻九枝  
夜閣歌鐘起歌舞  
唯應此夕陳魚龍  
百戲競爭新銀花  
絳樹開千丈佛火  
神燈照百輪花燈  
在處如人好半醉  
筵前看鮑老何客  
燈前到肯遲何人  
花下歸能早花下  
燈前出畫裙衣香  
一路暗氤氳不知  
南陌人如月且道  
東門女似雲雲移  
月墮歡難歇虬水  
丁東霜漸咽郎心  
尚逐紫驪嘶妾意  
先憎烏格舌歸去  
燒燈總不眠含情  
脉脉定相牽餘宵  
冷焰畱紅燭明日  
芳塵拾翠鈿

正月十三夜同王若觀妓共用來字

吳兆

倡樓羅薦開急管促行杯花氣衣香奪蟾光燭焰回  
舞飛雕砌雪歌落綺窻梅不盡橫陳態猶期三五來

金陵元夕曲四首

程漢

三市非烟五劇塵九微焰接百枝新楚萍散作星重  
暈趙璧飛爲滿月輪

十二龍城徹曉開金吾銀箭不相催行隨燈市家家  
月看到花林樹樹梅

邸第高依尺五天衆中誰過李延年移圍夜色嬌羅

綺徒隊春聲散管絃

武騎喧闐衛富平紅燈千隊導蜺旌三山火照瓊花

發人在南天赤玉京

都城元夕

劉侃

一夕春從天上回六街火樹徹明開叮嚀莫似吹蘆  
管纔報梅開又落梅

滿庭芳

宋徽宗

寰宇清平元宵遊豫為開臨御端門暖風搖曳香氣  
 靄輕氛十萬勾陳燦爛鈞臺外羅綺繽紛歡聲裏燭  
 龍銜耀黼藻太平春靈鼇擎綵岫冰輪遠駕初上  
 祥雲照萬宇嬉遊一視同仁更起維垣大第通宵燕  
 調燮良臣從茲慶都俞賡載千載樂昌辰

蝶戀花

密州  
上元

蘇軾

燈火錢塘三五夜明月如霜照見人如畫帳底吹笙  
 香吐麝此般風味應無價寂寞山城人老也擊鼓

古今圖書集成  
吹簫乍入農桑社火冷燈稀霜露下昏昏雪意雲垂  
野

浣溪沙

上元遊  
靜林寺

毛滂

花市東風卷笑聲柳溪人影亂于雲梅花何處暗香  
聞露濕翠雲裘上月燭搖紅錦帳前春瑤臺有路  
漸無塵

踏莎行

元夕

前人

撥雪尋春燒燈續晝暗香院落梅開後無端夜色欲  
遮春天教月上官橋柳花市無塵朱門如繡嬌雲

瑞霧籠星斗沈香火冷小妝殘半衾輕夢濃于酒

臨江仙

都城  
元夕

前人

聞道長安燈夜好雕輪寶馬如雲蓬萊清淺對觚稜  
玉皇開碧落銀界失黃昏誰見江南顛顛客端憂  
嬾步芳塵小屏風畔冷香凝酒濃春入夢牕破月尋  
人

驀山溪

上元

前人

嬋娟不老依舊東風面華燭下珠軒盛寒裏春光一  
片不教暮景也似每常來水精宮銀色界今夜分明

古今圖書集成  
見碧街如水人影花凌亂誰在柳陰中小妝寒落  
梅數點詩翁獨倚十二玉闌干霧濛濛雲冉冉千嶂  
琉璃淺

傳言玉女

上元

晁沖之

一夜東風吹散柳梢殘雪御樓煙暖對鼇山綵結簫  
鼓向晚鳳輦初回宮闕千門燈火九衢風月繡閣  
人人乍嬉遊困又歇豔妝初試把珠簾半揭嬌波溜  
人手撚玉梅低說相逢長是上元時節

上林春慢

上元

前人

帽落宮花衣惹御香鳳輦晚來初過鶴降詔飛龍銜  
燭戲端門萬枝燈火滿城車馬對明月有誰閒坐任  
狂遊更許傍禁街不扃金鎖玉樓人暗中擲果珠  
簾下笑看春衫裊娜素蛾繞釵輕蟬撲鬢垂垂柳絲  
梅朶夜闌飲散但贏得翠翹雙鞞醉歸來又重向曉  
牕梳裹

臨江仙

元宵

廖行之

春意忙忙春色裏又還幾度花期澹晴時候儘融怡  
梅顛翻白後柳眼弄青時正是江城天氣好樓臺

古今圖書集成  
燈火星移相逢無處不相宜輕狂行樂去明月夜深歸

解語花

上元

周邦彥

風銷絳蠟露浥紅蓮燈市光相射桂華流瓦纖雲散  
耿耿素娥欲下衣裳淡雅看楚女纖腰一把簫鼓喧  
人影參差滿路飄香麝因念都城放夜望千門如  
晝嬉笑遊冶鈿車羅帕相逢處自有暗香隨馬年光  
是也惟只見舊情衰謝清漏移飛蓋歸來從舞休歌  
罷

醉蓬萊

万俟雅言

正波翻銀漢漏滴銅壺上元佳致絳燭銀燈若繁星  
連綴明月逐人暗塵隨馬盡五陵豪貴鬢惹烏雲羃  
拖湘水誰家姝麗金闕南邊綵山北面接地綺羅  
沸天歌吹六曲屏開擁三千珠翠帝樂庭深鳳爐煙  
噴望舜顏瞻禮太平無事君臣宴樂黎民歡醉

武陵春

趙長卿

又是新逢三五夜瑞氣靄氤氳萬點燈和月色新桃  
李倍添春花縣主人情思好行樂逐良辰滿引千

古今圖書集成  
鐘酒又醇歌韻動梁塵

寶鼎現 上元

前人

囂塵盡埽碧落輝騰元宵三五更漏永遲遲停鼓天  
上人間當此遇正年少盡香車寶馬次第追隨士女  
看往來巷陌連夢簇起星球無數 政簡物阜清閒  
處聽笙歌鼎沸頻舉燈燄暖庭帷高下紅影相交知  
幾戶恣歡笑道今宵景色勝却前時幾度細筭來皇  
都此夕消得喧傳今古 綺席成行爐噴裊沈檀輕  
縷覩遨遊綵仗疑是神仙伴侶欲飛去恨難留住漸

到蓬瀛步願永逢恁時恁節且與風光爲主

鷓鴣天

向子諲

紫禁煙花一萬重鰲山宮闕隱晴空玉皇端拱彤雲  
上人物嬉遊陸海中 星轉斗駕回龍五侯池館醉  
春風而今白髮三千丈愁對寒燈數點紅

江城子 上元

葉夢得

甘泉祠殿漢離宮五雲中渺難窮未漏通宵壺矢轉  
金銅會從鈞天知帝所孤鶴老寄遼東 强扶衰病  
步龍鍾雪花濛打牕風一點青燈惆悵伴南宮唯有



古今圖書集成  
使君同此恨丹鳳口水雲重

點絳脣

上元鼓  
子詞

王庭珪

玉漏春遲鐵關金鎖星橋夜暗塵隨馬明月應無價  
天半朱樓銀漢星光射更深也翠蛾如畫猶在涼  
蟾下

滿庭芳

上元黃子  
餘席上

前人

宿雨初收晚風微度萬家簾捲青煙暗塵隨馬人物  
似神仙試問天公借月天須放明月教圓應移下廣  
寒宮殿燈火接星躔 盧川元古郡當時太守賓從

俱賢到如今萬井歌吹喧闐花下紅妝賣酒時相遇  
曲水橋邊誰知道山城父老重見中興年

燭影搖紅

張掄

雙闕中天鳳樓十二春寒淺去年元夜奉宸遊曾侍  
瑤池宴玉殿珠簾盡捲擁羣仙蓬壺閬苑五雲深處  
萬燭光中揭天絲管 馳隙流年恍如一瞬星霜換  
今宵誰伴泣青衫回首長安遠可是塵緣未斷漫惆  
悵華胥夢短滿懷幽恨數點寒燈幾聲歸鴈

寶鼎現

康輿之

夕陽西下暮靄紅溢香風羅綺乘麗景華燈爭放濃  
燄燒空連錦砌靚皓月浸嚴城如畫花影寒籠絳蘂  
漸掩映芙蓉萬頃迤邐齊開秋水 太守無限行歌  
意擁麾幢光動珠翠傾萬井歌臺舞榭瞻望朱輪駢  
鼓吹控寶馬耀貔貅千騎銀燭交光數里似亂簇寒  
星萬點擁入蓬壺影裏 宴閣多才環艷粉瑤簪珠  
履恐看看丹詔催奉宸遊燕侍便趁早占通宵醉緩  
引笙歌妓任畫角吹老寒梅月滿西樓十二

瑞鶴仙

上元  
應制

前人

瑞煙浮禁苑正絳闕春回新正方半冰輪桂華滿溢  
花衢歌市芙蓉開遍龍樓兩觀見銀燭星球有爛捲  
珠簾盡日笙歌盛集寶釵金釧 堪羨綺羅叢裏蘭  
麝香中正宜遊玩風柔夜暖笑聲喧花影亂鬧蛾兒  
滿路成團打塊簇著冠兒鬪轉喜皇都舊日風光太  
平再見

漢宮春

慈寧殿  
元夕

前人

雲海沈沈峭寒收建章雪殘鳩鵲華燈照夜萬井禁  
城行樂春隨鬢影映參差柳絲梅萼丹禁杏黿峰對

古今圖書集成  
聳三山上通寥廓 春衫繡羅香薄步金蓮影下三  
千綽約冰輪桂滿皓色冷侵樓閣霓裳帝樂奏昇平  
天風吹落留鳳輦通宵宴賞莫放漏聲閒却

燭影搖紅

吳億

樓雪初消麗譙吹罷蘆笳晚使君千炬起班春歌吹  
香風暖十里珠簾盡捲人正在蓬壺閨苑賣薪買酒  
立馬傳觴昇平重見 誰識黿頭去年曾侍傳柑宴  
至今衣袖帶天香行處氤氳滿已是春宵苦短更莫  
遣歡遊意懶細聽歸路璧月光中玉簫聲遠

西江月

元夕醉  
中走筆

曾覲

煥爛蓮燈高下參差梅影橫斜凭闌一日盡天涯雪  
月交輝清夜 莫惜柔荑勸酒從教醉臉生霞爛銀  
宮闕對仙家一段風光如畫

傳言玉女

前人

鳳闕龍樓清夜月華初照萬點星球毬護花梢寒峭華  
胥夢裏老去歡情終少花愁醉悶總消除了 紫陌  
嬉遊不似少年懷抱珠簾十里聽笙簫聲杳幽期密  
約暗想淺顰輕笑良時莫負玉山頻倒

傾杯樂 上元上  
梁帥

楊无咎

瑞日凝暉東風解凍峭寒猶淺正池館梅英粉淡柳  
枝金軟蘭芽香暖滕城誰種芙蓉滿浸銀蟾影一夜  
萬花開徧翠樓朱戶是處重簾競捲 羅綺簇歡聲  
一片看五馬行春旌旆遠擁襦袴千里歌謠都入太  
平絃管且莫厭瑤觴屢勸聞鳳詔催歸非晚願歲歲  
今夜裏端門侍宴

朝中措 元夕上  
劉共甫

侯寘

年來玉帳罷兵籌燈市小遲留花外香隨金勒酒邊

人倚紅樓 沙堤此去傳柑侍宴天上風流還記月  
華小隊春風十里潭州

踏莎行 元宵

前人

元夕風光中興時候東風著意催梅柳誰家銀字小  
笙簧倚闌度曲黃昏後 撥雪張燈解衣貰酒觚稜  
金碧聞依舊明年何處看昇平景龍門下燈如晝

憶秦娥 元夕

張孝祥

元宵節鳳樓相對鼇山結鼇山結香塵隨步柳梢微  
月 多情又見珠簾揭遊人不放笙歌歇笙歌歇曉

烟輕散帝城宮闕

鷓鴣天 上元 啓醮

前人

詠徹瓊章向夜闌天移星斗下人間九光倒影騰香  
簡一氣回春達絳壇 瞻北闕祝南山遙知仙仗簇  
清班何人曾侍傳柑讌翡翠簾開識聖顏

漢宮春 上元前一 日立春

京鏗

暖律初回又燒燈市井賣酒樓臺誰將星移萬點月  
滿千街輕車細馬隘通衢蹴起香埃今歲好土牛作  
伴挽畱春色同來 不是天工省事要一時壯觀特

地安排何妨綵樓鼓吹綺席樽壘良宵勝景語邦人  
莫惜徘徊休教我癡頑不去年年爛醉金釵

臨江仙 己酉和賞 之燈夕

劉克莊

玉筵鈿車當日事東塗西抹都會等閒曲子壓和凝  
縱遊非草草已醉強惺惺 今向三家邨送老身如  
罷講吳僧高樓百尺不須登半爐燒葉火一盞勘書  
燈

浣溪沙 丁亥餞 元宵

劉鎮

簾幕收燈斷續紅歌臺人散綵雲空夜寒歸路噤魚

古今圖書集成  
龍 宿醉未消花市月芳心已逐柳塘風丁寧鶯燕  
莫怱怱

慶春澤

前人

燈火烘春樓臺浸月良宵一刻千金錦步承蓮綵雲  
簇仗難尋蓬壺影動星球轉映兩行寶珥瑤簪恣嬉  
遊玉漏聲催未歇芳心 笙歌十里誇張地記年時  
行樂憔悴而今客裏情懷伴人閒笑閒吟小桃未盡  
劉郎老把相思細寫瑤琴怕歸來紅紫欺風三徑成  
陰

喜遷鶯

閏元  
宵

吳禮之

銀蟾光彩喜稔歲閏正元宵還再樂事難并佳時罕  
遇依舊試燈何礙花市又移星漢蓮炬重芳人海盡  
勾引徧嬉遊寶馬香車喧隘 情快天意教人月更  
圓償足風流債媚柳煙濃天桃紅小景物迥然堪愛  
巷陌笑聲不斷襟袖餘香仍在待歸也便相期明日  
踏青挑菜

鷓鴣天

上元

前人

宣德樓前雪未融賀正人見彩山紅九衢照影紛紛

古今圖書集成  
月萬井吹香細細風 復道遠暗相通平陽主第五  
王宮鳳簫聲裏春寒淺不到珠簾第二重

傳言玉女

趙善扛

璧月珠星輝映小桃穠李化工容易與人間富貴東  
風巷陌春在暖紅溫翠人來人去笑歌聲裏 油壁  
青驄第一番共燕喜舉頭天上有月如人意歌傳樂  
府猶是昇平風味明朝須判醉眠花底

江城子

燈夕

毛开

神仙樓觀梵王宮月當中望難窮坐聽三通譙鼓報

銅龍還憶當年京輦舊車馬會五門東 華堂歌舞  
間星鐘夕香濛度花風翠袖傳杯爭勸紫髯翁歸去  
不堪春夢斷煙雨曉亂山重

東風第一枝

燈夕

史達祖

酒館歌雲燈街舞繡笑聲喧似簫鼓太平京國多歡  
大酺綺羅幾處東風不動照花影一天春聚看翠光  
金縷相交苒苒細吹香霧 羞醉玉少年丰度懷艷  
雪舊家伴侶閉門明月關心倚窗小梅索句吟情欲  
斷念嬌俊知人無據想袖寒珠絡藏香夜久帶愁歸

去

浣溪沙

韓滉

分付心情作上元不知投老在林泉誰將邨酒勸觥  
船月影靜搖風柳外霜華寒浸雪梅邊醉敲烏帽  
忽醒然

柳梢青

元宵

前人

雨洗元宵樓臺煙鎖隱隱笙簫且插梅花白燒銀燭  
沈水香飄軟紅塵裏星橋想霽色皇都絳霄屏掩  
瀟湘醉和衣倒春夢迢迢

瑞鶴仙

甲辰  
元夕

李昉英

玉城春不夜映月璧寒流燭藻光射鼇山海雲駕擁  
遨頭簫鼓錦旗紅亞東風近也趁樂歲良辰多暇想  
陽和早徧南州暖得柳嬌桃冶堪畫紗籠夾道露  
重花珠塵吹蘭麝歌朋舞社玉梅轉鬧蛾耍且繭占  
先探芋郎戲巧又卜紫姑燈下聽歌聲猶自未歸鈿  
車寶馬

沁園春

監司元宵  
招飲不赴

前人

纔到中年節物渾閒賞心頓輕據隨分東風瓶簪柳



古今圖書集成  
雪應時燈夜棚綴蓮星自一家春也三杯酒巧繭堆  
香笑語聲又何須聽西樓絃管南陌簫笙平生黃  
卷青燈肯珠翠奢華八尺檠欲趁隊閒嬉雕鞍寶馬  
回頭猛憶破案囊螢鄰曲漁歌庭除鶴舞塵外冰輪  
徹骨清人閒處這炯然方寸一點長明

阮郎歸

邵武試燈夕

洪璚

東風吹破藻池冰清光開五雲綠情紅意兩逢迎扶  
春來遠林花艷艷玉英英羅衣金縷明鬧蛾兒簇  
小蜻蜓相呼看試燈

解語花

上元次周美成韻

方千里

長空淡碧素魄凝輝星斗寒相射鳳樓鴛瓦天風動  
冉冉珮環高下歌清韻雅對好景芳樽滿把花霧濃  
燈火熒煌笑語烘蘭麝千斛明珠照夜况人如圖  
畫明艷容冶繡巾香帔歸來路緩逐杏鞦韆馬笙歌  
散也愁萬炬絳蓮分謝更漏殘驚聽西樓吹小梅初  
罷

一翦梅

元宵

盧炳

燈火樓臺萬斛蓮千門喜笑素月嬋娟幾多急管與

古今圖書集成  
繫絃巷陌駢闐畢獻芳筵 樂與民偕五馬賢綺羅  
叢裏一簇神仙傳柑雅宴約明年盡夕畱連滿泛金  
船

倦尋芳 上元

吳文英

海霞倒影空霧飛香天市催晚暮靨宮梅相對畫樓  
簾捲羅襪輕塵花笑語寶釵爭艷春心眼亂簫聲正  
風柔柳弱舞肩交燕 念窈窕東鄰深巷燈外歌沈  
月上花淺夢雨離雲點點漏壺清怨珠絡香銷空念  
住紗窻人老羞相見漸銅壺閉春陰曉寒人倦

應天長 吳門元夕

前人

麗花鬪靨清麝濺塵春聲偏漏芳陌竟路障空雲幕  
冰壺浸霞色芙蓉詞賦仙客競繡筆醉嫌天窄素娥  
下小駐輕鑣眼亂紅碧 前事頓非昔故苑年光渾  
與世相隔向暮巷空人絕殘燈耿塵壁凌波恨簾戶  
寂聽怨寫墮梅哀笛竚立久雨暗河橋譙漏疎滴

燭影搖紅 元夕微雨

前人

碧澹山姿暮寒愁沁歌眉淺障泥南陌潤輕酥燈火  
深深院入夜笙歌漸暖綵旗翻宜男舞徧恣遊不怕

古今圖書集成  
素韞塵生行裙紅濺 銀燭籠紗翠屏不照殘梅怨  
洗妝清鬢濕春風宜帶啼痕看楚夢畱情未散素娥  
愁天長信遠曉牕移枕酒困香殘春陰簾捲

南鄉子

元夕

蔣捷

翠幃夜遊車不到山邊與水涯隨分紙燈三四盞鄰  
家便做元宵好景誇 誰解倚梅花思想燈毬墜絳  
紗舊說夢華猶未了堪嗟纔百餘年又夢華

女冠子

元夕

前人

蕙花香也雪晴池館如畫春風飛到寶釵樓上一片

笙簫琉璃光射而今燈漫挂不是暗塵明月那時元  
夜况年來心懶意怯羞與蛾兒爭耍 江城人悄初  
更打問繁華誰解再向天公借剔殘紅地但夢裏隱  
隱鈿車羅帕吳牋銀粉研待把舊家風景寫成閒話  
笑綠鬢鄰女綺窻猶唱夕陽西下

解語花

上元次周  
美成韻

陳允平

鼇峯遡碧貝闕綠雲桂魄寒光射鳳檐鴛瓦星河際  
縹緲繡簾高下笙簫奏雅愛雪柳蛾兒笑把瓊珮搖  
珠翠盈盈迤邐飄蘭麝 陸地金蓮照夜富綺羅妝

古今圖書集成  
艷春態容冶籠紗鞍吧香塵過禁陌寶車騎馬遊人  
靜也東風裏萬紅初謝沈醉歸殘角霜天漸落梅聲  
罷

八聲甘州

燈夕寄  
二隱

周密

漸萋萋芳草綠江南輕暉弄春容記少年遊處簫聲  
巷陌燈影簾櫳月暖烘爐戲鼓十里步香紅欹枕聽  
新雨往事朦朧 還是春江夢曉怕等閒愁見雁影  
西東喜故人好在水驛寄詩筒數芳程漸催花信送  
歸帆知第幾番風空吟想梅花千樹人在其中

寶鼎現

丁酉  
元夕

劉辰翁

紅妝春騎踏月花影千旗穿市望不盡瑤樓歌舞習  
習香塵蓮步底簫聲斷約綵鸞歸去未怕金吾呵醉  
甚輦路喧闐且止聽得念奴歌起 父老猶記宣和  
事抱銅仙清淚如水還轉盼沙河多麗滉漾明光連  
邸第簾影凍散紅光成綺月浸蒲桃十里看往來神  
仙才子肯把菱花撲碎 腸斷竹馬兒童空見說三  
千樂指等多時春不歸來到春時欲睡又說向燈前  
擁髻暗滴鮫珠墜便當日親見霓裳天上人間夢裏

漢宮春

元夕

元彭元遜

十日春風又一番調弄怕暖愁陰夜來風雨搖得楊柳黃深熏篝未斷夢舊寒淺醉同衾便是鬪燈見月看花對酒驚心攜手滿身花影香霏冉冉露濕羅襟笙歌行人歸去回首沈沈人間此夜誤春光一刻千金明日問紅巾青鳥蒼苔自拾遺簪

摸魚兒

元夕贈楚芳吳蘭

張翥

記蘇臺舊時風景西樓燈火如畫嚴城月色依然好無復綺羅遊冶歡意謝向客裏相逢還有詩陶寫金

尊翠罍把錦字新聲紅牙小拍分付倦司馬繁華

夢喚起燕嬌鶯姹肯教辜負元夜楚芳玉潤吳蘭媚一曲夕陽西下沉醉罷君試看人生誰是無情者先生歸也但留意江南杏花春雨和淚在羅帕

念奴嬌

郡城元夕

劉雲寰

景龍天氣正餘寒料峭輕風簾幕萬斛金蓮光不夜香滿雲間樓閣金鐙頻敲繡帘高揭應爲黃昏約霜娥無恙喚人依舊飄泊却恨烏兔無情把人青鬢白恁星星却千古繁華行樂地誰笑誰歌誰酌北海

古今圖書集成  
尊壘東山絲竹夢裏揚州鶴客牕無味故人誰念蕭索

念奴嬌 上元

明周用

皇都元夕正瑤空華月九衢如畫爲倩農師占五穀  
道是豐年物候百尺星橋千尋火樹遙聽鈞天奏重  
門永夜漫催銀箭更漏 又道畫閣東頭何郎詩興  
不管梅花瘦松雪王孫傳好句信是詞垣耆舊鬪草  
香茵衝花繡羽都在燒燈後品題樂事莫放綠顰紅  
皺

鷓鴣天 元宵後  
獨酌

楊慎

千點寒梅曉角中一番春信畫樓東收燈庭院遲遲  
月落索秋千翦翦風 魚鴈杳水雲重異鄉節序恨  
忽忽當歌幸有金陵子翠罽清尊莫放空

慶春澤 上元

前人

魚市笙歌螳川燈火又看滇海元宵翦翦輕風綺羅  
十里香飄彩雲影罩冰壺地人家在月戶星橋恣經  
過一刻千金玉漏迢迢 柳金梨雪催春早歎他鄉  
異節回首魂消今夜相思玉人何處吹簫錦江煙水

古今圖書集成  
迷空望綠琴心愁恨慵調夢回時酒醒燈昏月轉梅梢

瑞鷓鴣

湖上  
上元

卓人月

城中火樹落金錢城外湖波起碧煙夜夜夜深歌子  
夜年年節度丁年 琉璃一段湖稱聖琥珀千鍾  
酒號賢自分嬾追兒女隊玉梅花下拾花鈿

上元部選句

唐陳子昂詩三五月華新遨遊逐上春

張蕭遠詩寶釵驟馬多遺落依舊明朝在路傍

李商隱詩月色燈光滿帝都香車寶輦隘通衢

段成式詩火樹枝柯密燭龍鱗角張

韓偓詩上元清景亞元正絲雨霏霏向晚傾

宋錢惟演詩九枝火樹連金狄萬里霜輪上璧璫

李宗諤詩歷歷星榆光奪晝煌煌火樹豔爭春

梅堯臣詩春風來解吹殘雪燈燭迎陽萬戶燃競看

繁星在平地不妨明月滿中天

王安石詩不知太乙遊何處定把青藜獨照公又車

馬紛紛白晝同萬家燈火暖春風

蘇軾詩典衣剩買河源米屈指新筍作上元又冷煙

濕雪梅花在畱得新春作上元

蘇轍詩忽記上元鑾輅出起聽前殿曉鐘聲

張耒詩九衢風靜燭無煙寶馬香車往復還

范成大詩滿縣月明春意好旗亭吹笛近元宵又粉

痕紅點萬花攢玉氣珠光寶月圓

陸游詩餅餌連春日歌呼近上元

金玉庭筠詞夜夜華燈萬樹年年海碧三山



欽定古今圖書集成曆象彙編歲功典  
第二十八卷目錄  
上元部紀事  
上元部雜錄  
上元部外編

欽定古今圖書集成曆象彙編歲功典

第二十八卷目錄

上元部紀事

上元部雜錄

上元部外編

